



ბ ა ნ ჩ ი ნ ე ბ ა
საქართველოს სახელით

11 მაისი, 2011 წ.

ქ. თბილისი

თბილისის სააპელაციო სასამართლო
ადმინისტრაციულ საქმეთა პალატა

მოსამართლე — ნანა კობახიძე

აპელანტი — სსიპ საჯარო რეესტრის ეროვნული სააგენტოს რუსთავის სარეგისტრაციო სამსახური

აპელანტი — თვითმმართველი ქალაქი რუსთავის მერია

აპელანტი — თვითმმართველი ქალაქი რუსთავის საკრებულო

მოწინააღმდეგე მხარე — ნაირა მნელაშვილი

მესამე პირი — შპს „უაიდ დისტრიბუშენი“

მესამე პირი — შპს „ფორტუნა მედია“

დავის საგანი — ადმინისტრაციულ-სამართლებრივი აქტების ბათილად ცნობა

გასაჩივრებული გადაწყვეტილება — რუსთავის საქალაქო სასამართლოს 2010 წლის 09 დეკემბრის გადაწყვეტილება.

ზეპირი მოსმენის გარეშე განიხილა მესამე პირის — შპს „ფორტუნა მედია“-ს საჯარო შეტყობინების შესახებ საკითხი

ბ ა მ რ ა რ პ ვ ი:

რუსთავის საქალაქო სასამართლოს 2010 წლის 09 დეკემბრის გადაწყვეტილებით, ნაირა მნელაშვილის სარჩელი, მოპასუხე — თვითმმართველი ქალაქი რუსთავის მერიის და სსიპ საჯარო რეესტრის ეროვნული სააგენტოს რუსთავის სარეგისტრაციო სამსახურის მიმართ, მესამე პირები — შპს „უაიდ დისტრიბუშენი“, შპს „ფორტუნა მედია“, თვითმმართველი ქალაქი რუსთავის საკრებულო, ადმინისტრაციული-სამართლებრივი აქტების ბათილად ცნობის თაობაზე დაკმაყოფილდა.

გადაწყვეტილება სააპელაციო წესით გაასაჩივრა თვითმმართველი ქალაქი რუსთავის საკრებულომ, თვითმმართველი ქალაქი რუსთავის მერიამ და სსიპ საჯარო რეესტრის ეროვნული სააგენტოს რუსთავის სარეგისტრაციო სამსახურმა. აპელანტებმა მოითხოვეს გადაწყვეტილების გაუქმება და ახალი გადაწყვეტილებით მოსარჩელისათვის სარჩელის დაკმაყოფილებაზე უარის თქმა.

სააპელაციო სასამართლომ იმსჯელა საქმის სრულყოფილად, კანონმდებლობით დადგენილ უმოკლეს ვადაში განხილვისა და გაჭიანურების თავიდან აცილების გარემოებებზე, გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები და მიმჩნევს, რომ ვინაიდან, მხარის

ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, მიზანშეწონილია შპს „ფორტუნა მედია“-ს საქმის განხილვის დრო და ადგილი ეცნობოს საჯარო შეტყობინების გზით.

საქართველოს ადმინისტრაციული საპროცესო კოდექსის პირველი მუხლის მე-2 ნაწილის თანახმად, თუ ამ კოდექსით სხვა რამ არ არის დადგენილი ადმინისტრაციულ სამართალწარმოებაში გამოიყენება სამოქალაქო საპროცესო კოდექსის დებულებანი.

საქართველოს სამოქალაქო საპროცესო კოდექსის 78-ე მუხლის პირველი ნაწილის თანახმად, თუ მხარის ადგილსამყოფელი უცნობია ან მისთვის სასამართლო უწყების ჩაბარება სხვაგვარად ვერ ხერხდება, სასამართლო უფლებამოსილია გამოიტანოს განჩინება სასამართლო შეტყობინების საჯაროდ გავრცელების შესახებ. სასამართლო შეტყობინება საჯაროდ ვრცელდება შესაბამის სასამართლოს შენობაში თვალსაჩინო ადგილზე ან ვებგვერდზე განთავსებით ან დაინტერესებული მხარის მოთხოვნის შემთხვევაში – მისივე ხარჯებით იმ გაზეთში, რომელიც მასობრივადაა გავრცელებული მხარის საცხოვრებელი ადგილის შესაბამის ადმინისტრაციულ-ტერიტორიულ ერთეულში, ან ინფორმაციის სხვა საშუალებებში გამოქვეყნებით.

ზემოაღნიშნულიდან გამომდინარე, სააპელაციო სასამართლომ გაითვალისწინა საქართველოს სამოქალაქო საპროცესო კოდექსის 78-ე მუხლით განსაზღვრული დებულებები, მიიჩნია, რომ ვინაიდან მესამე პირის ადგილსამყოფელი უცნობია და მისთვის სასამართლო უწყების ჩაბარება სხვაგვარად ვერ ხერხდება, შპს „ფორტუნა მედია“-ს სასამართლო უწყების შინაარსი ეცნობოს საჯარო შეტყობინების გზით. ამასთან, სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე (www.tbappeal.court.ge).

სააპელაციო სასამართლომ იხელმძღვანელა საქართველოს ადმინისტრაციული საპროცესო კოდექსის პირველი მუხლის მე-2 ნაწილით, საქართველოს სამოქალაქო საპროცესო კოდექსის 70-ე-78-ე, 285-ე მუხლებით

დ ა ა დ ბ ი ნ ა:

1. შპს „ფორტუნა მედია“-ს საჯარო შეტყობინებით ეცნობოს, რომ სსიპ საჯარო რეესტრის ეროვნული სააგენტოს რუსთავის სარეგისტრაციო სამსახურის, თვითმართველი ქალაქი რუსთავის მერიისა და თვითმართველი ქალაქი რუსთავის საკრებულოს სააპელაციო საჩივრების ზეპირი განხილვა, თბილისის საქალაქო სასამართლოს 2010 წლის 09 დეკემბრის გადაწყვეტილებაზე, დანიშნულია თბილისის სააპელაციო სასამართლოში 2011 წლის 24 მაისს, 12:00 საათზე, სხდომის დარბაზი №14 (თბილისი, გრ. რობაქიძის გამზ. №7^ა); სასამართლო შეტყობინება საჯაროდ განთავსდეს თბილისის სააპელაციო სასამართლოს ვებგვერდზე (www.tbappeal.court.ge).

2. სხდომაზე დასაბარებელი პირი გაფრთხილებულ იქნას, რომ არასაპატიო მიზეზით გამოუცხადებლობის შემთხვევაში, სასამართლო მის დაუსწრებლად გამოიტანს გადაწყვეტილებას საქმეში არსებული მასალების და საქართველოს ადმინისტრაციული საპროცესო კოდექსის მე-4 და მე-19 მუხლების დებულებათა გათვალისწინებით;
3. სასამართლო უწყება მხარისათვის ჩაბარებულად ითვლება სასამართლო შეტყობინების თბილისის სააპელაციო სასამართლოს ვებგვერდზე განთავსებიდან მე-7 დღეს.
4. განჩინება შეიძლება გასაჩივრდეს თბილისის სააპელაციო სასამართლოს მიერ მიღებულ შემაჯამებელ გადაწყვეტილებასთან ერთად, ამ უკანასკნელის გასაჩივრებისათვის დადგენილი წესით.

მოსამართლე:

ნანა კობაზიძე